
(Nain,NL) September 18, 2007 – Nunatsiavut kavamanga nalunaisijuk isumâlutigijamminik pidjutigillugit Prâvinsiup nutângulluni Ikumautiliginnittânimmut Pannaigutinganik.

Nunatsiavut kavamanga isumâlutiKammagittuk solli mânnamunut, pannaigutiKalungimat Nunatsiavut nunalingit ikajutsitaugajangimata ikumautinut taitsumani Lower Churchill-imi pivallianiummi, sakKijâgaluattilugit pannaigutet ikumatigut ikajuttaugajanningit Newfoundland. Ilangat pidjutauattuk Nunatsiavut kavamanga uKâlaKataummat prâvinsimut sunait pivalliagutaugunnatut nunaujunni ikajutsigiaKammata Nunatsiavut NunaKutinginnik.

Nunatsiavut kavamanga KaujitaumalaukKuk pivalliagutaunningani ikumautiliginnimut pannaigutet; taimaigaluattilugu isumagijausimangingit Nunatsiavut kavamangata isumâlutigijangit sakKititaugasualimmata pannaigutiugumajut.

“Atausiulingattojâvuk apigijaugatta Kanuk isumaKammangâta sunamut, asiagullu uKausigisimajavut sunaKutauttinagit sakKititaugasualimmata maligatsait. Tâna ikumautiliginnimut pannaigutik isumaKattojângilak Nunatsiavut kavamangata uKausigisimajanginnik,” uKajuk Nunatsiavut AngajukKânga William Andersen III.

Nunatsiavut kavamanga KaujimakKujjuk ikajuttaugutilinnik tâna kavamanga Newfoundland amma Labrador nutângulluni ikumautiliginnimut pannaigutigijanga uKâlautautsialâninganik Nunatsiavut AngajukKauningita katimajingit katimalippata Makkovimmi wogimi Kaijumi ammalu Kanuk pijuKagiaKammangât taitsumani uKausiutsialâkKuk.

Kaujisapviusok: Karen Prentice, Aulatsijik Tusagatsaligijinni, Nunatsiavut Government, Tel: (709) 922-2942 Email: kprentice@nunatsiavut.com